

國家圖書館藏

藏書局

鄉土志稿序選編

國家圖書館地方志和家譜文獻中心 編

鄉土志抄稿本選編

(五)

河南 浙川直隸廳鄉土志

山西 「吉州鄉土志」

陝西 葭州鄉土志

「咸陽縣鄉土志」

韓城縣鄉土志

平利縣鄉土志

浙川直隸廳鄉土志目錄

卷一

歷史

卷二

兵事

卷三

耆舊上

事業

卷四

耆舊下

學問
壇祠祀

卷五

人類

戶口

氏族・宗教

實業

卷六

地理

卷七

道路

卷八

物產

商務

浙川直隸廳鄉土志

歷史

國朝

浙川直隸廳光緒三十一年河南巡撫陳夔龍因
廳治界連楚陝山徑紛歧加以近年教堂林立保
護巡防尤關緊要而距府治太遠鞭長莫及奏請
將原設之浙川廳改為浙川直隸廳直隸南汝光
道不領屬縣即以撫民同知改為直隸廳同知其

餘官職均仍其舊云

未置本境以前

禹貢及周禮職方俱屬豫州西南域春秋時為都
國左傳魯僖公二十五年秦晉伐都杜預註都小
國本在商密秦楚界上其後遷於南郡都縣

後屬楚名白羽又更名析左傳魯昭公十八年楚
平王使令尹王子勝遷許於析實白羽杜預註時
白羽改為析由是析屬楚地

戰國時始屬楚後屬秦周赧王十七年秦昭王師出武關取析十五城遂屬秦

秦置中鄉縣屬南陽郡

西漢置丹水縣屬宏農郡東漢時改屬南陽郡即

今廳治

又置析縣屬宏農郡東漢時改屬南陽郡故城在

今廳治西二十里白亭保左近

又置順陽縣屬南陽郡故城在今廳治東南九十

里之順陽里哀帝時改名博山縣明帝時復名順陽縣後為侯國

東漢增置南鄉縣屬南陽郡分析之南鄉為縣故名遺趾今無可考獻帝時升為南鄉郡析縣屬焉魏仍漢舊無改置

晉置順陽郡以順陽縣改設復廢南鄉郡為縣與丹水縣析縣并屬焉

東晉改順陽郡為南鄉郡尋廢析縣入南鄉郡而

復為順陽郡

按史載安帝義熙元年後秦王姚興歸南鄉順陽等十三州於晉似南鄉

順陽二郡曾同時

并置今無可考

劉宋置順陽郡仍設順陽縣與丹水縣均屬順陽

郡廢南鄉縣以析縣屬南陽郡尋廢

南齊改順陽縣為南鄉縣與丹水縣仍屬順陽郡

元魏改丹水縣為丹川郡改順陽縣為南鄉郡割

其西偏為淅川縣

按淅川之名始此

尋改為西淅陽郡故

城在今廳城東南三十里北馬蹬保

西魏又於西淝陽郡增立內鄉縣

按與今內鄉同名而舊治實在

地今淝

北周改內鄉為中鄉縣復秦舊名廢淝川縣併入之又廢丹川郡復為丹水縣廢順陽郡為順陽縣俱屬淝陽郡

隋置淝陽郡改南鄉郡為縣改中鄉縣為內鄉縣廢析縣入南鄉丹水并屬焉惟順陽縣屬南陽郡唐改淝陽郡為淝州尋仍廢為內鄉縣并置黟水

縣按默水縣治無考惟查丹水縣自隋後不見史傳疑默水即丹水舊治耳省順

陽入冠軍縣與內鄉縣均屬鄧州統於山南東道後五代梁唐晉漢均仍舊置至後周廢默水入內

鄉臨瀨二縣

宋置淅川縣及順陽縣與內鄉縣均屬鄧州武勝

軍

金置博山縣與順陽內鄉二縣均屬鄧州武勝軍

廢淅川縣

元廢順陽縣復廢淅川縣及博山縣均併入內鄉

縣

按自此淅川內鄉始合為一

屬鄧州

明置淅川縣成化七年從河南巡撫楊璿請分內鄉之西境上白亭下白亭上張坡下張坡淤村馬蹬荆子淅川順陽板橋等十保編戶二十一里後併為十四里屬鄧州即今淅川廳所轄全境始與今內鄉縣劃分為二

國朝初置淅川縣改屬南陽府道光十二年河南巡

撫楊國楨奏准改為浙川廳仍屬南陽府

按浙川輿地歷朝建置均與今之內鄉縣疆土互相出入及元時遂併入內鄉縣至明復置浙川縣疆界始清茲查中鄉丹水析順陽博山南鄉浙川丹川西浙陽內鄉雖歷代名稱不一興廢無常然設治之處均在今之浙境默水雖無可考然疑即丹水所設故均考其沿革備錄於篇至廳志所載如漢之酈縣西魏之臨湍新城隋之菊潭唐之酈

州宋之臨瀨雖其轄地或及浙境而設治處所均
 在今之內鄉縣境故并從刪除以清界限仍附錄
 之以備參考焉

政績錄

分興利去害聽訟三端謹依時代先後為次得東漢劉陶迄

國朝秦應光等三十六人其餘若漢之平當李固杜喬晉之鄧朗鄧會宋之孟珙雖皆有名當時而在浙政績於史無徵不敢濫登又元及明初浙川皆并入內鄉官斯土者稱曰知內鄉縣事其政績已入內鄉故付闕如

興利

東漢

陳宣字彥成新陽人曲逆侯丞相平之裔也桓帝
時任丹水丞持身清慎勤政愛民嘗創興水利引
注丹流以溉民田遭永壽三年大水前功盡毀宣
躬自營度復修舊績百姓賴之及去吏民謳思不
置建寧中為泐石紀勲

晉

劉璠沛人宏子也懷帝時為順陽內史江漢間翕然歸之後為山簡所誣去官父老莫不追思

北魏

韋叔裕字孝寬杜陵人閔帝中為淝陽郡守政術美備與新野郡守獨孤信齊名時號連璧

泉企字思道上洛豐陽人祖丹水侯父為伯企年十二詔依鄉人所請為縣令百姓安之見北魏書本傳